

ქალაქი ბათუმი

ერთი მხრივ, აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი მინისტრის მათა ხაჯიშვილის სახით და მეორე მხრივ, შპს „ეტალონი-მედია“ (შემდგომში „მიმწოდებელი“), წარმოდგენილი დირექტორის მანანა ღოღობერიძის სახით, „სახელმწიფო შესყიდვების შესახებ“ საქართველოს კანონის და მიმწოდებლის მიერ წარმოდგენილი სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (NAT190014149) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - ორგანიზაცია, რომელიც ახორციელებს შესყიდვას;
- 1.4. „მიმწოდებელი“ - პირი, რომელიც ახორციელებს მომსახურების გაწევას მოცემული ხელშეკრულების ფარგლებში;
- 1.5. „დღე“, „კვირა“, „თვე“ - კალენდარული დღე, კვირა, თვე;
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია ქვეპროგრამა „კონკურსები და ოლიმპიადები“ ფარგლებში მომსახურებები საშუალო განათლების სფეროში (CPV-80200000) კერძოდ, თანამედროვე ტექნოლოგიების გამოყენებით კონკურსის ორგანიზება (შემდგომში - შესყიდვის ობიექტი და/ან მომსახურება).
- 2.2. გასაწევი მომსახურების აღწერილობა მოცემულია დანართი N1-ში (შესყიდვის აღწერილობა) და დანართი N2-ში (ფასების ცხრილი), რომლებიც თან ერთვის ხელშეკრულებას და წარმოადგენენ მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება შეადგენს 75 000 (სამოცდათხუთმეტი ათასი) ლარს.
- 3.2. ხელშეკრულების ღირებულება მოიცავს ხელშეკრულებით გათვალისწინებული მომსახურების მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. მიწოდების ვადა და ადგილი, მომსახურების მიღება-ჩაბარების წესი

- 4.1. მომსახურების მიღება-ჩაბარებას ახორციელებენ სათანადოდ უფლებამოსილი პირები.
- 4.2. მომსახურების შუალედური/საბოლოო მიღება განხორციელდება, ფაქტიურად გაწეული მომსახურების შესაბამისად გაწეული მომსახურების ღირებულებისა და მოცულობის მითითებით გაფორმებული მიღება-ჩაბარების აქტის საფუძველზე.
- 4.3. შემსყიდველის მხრიდან მომსახურების მიღება-ჩაბარებაზე უფლებამოსილი წარმომადგენელია ხელშეკრულების შესრულების კონტროლის განმახორციელებელი პირები.
- 4.4. შემსყიდველი უფლებამოსილია უარი განაცხადოს უხარისხოდ განხორციელებული მომსახურების მიღებაზე.

4.5. მომსახურების მიწოდების ადგილია საქართველო.

4.6. მომსახურების მიწოდების ვადაა 2019 წლის ოქტომბერი, ნოემბერი, დეკემბერი.

5. ანგარიშსწორების ფორმა, წესი და ვადები

5.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ საბანკო რეკვიზიტებზე, ეროვნულ ვალუტაში.

5.2. ანგარიშსწორება ხორციელდება შუალედური/საბოლოო მიღება-ჩაბარების აქტის გაფორმებიდან 10 (ათი) საბანკო დღის განმავლობაში. საბოლოო მიღება-ჩაბარების აქტის დაიდება მომსახურების საბოლოოდ დასრულების შემდეგ. მხარეები თანხმდებიან, რომ შემსყიდველს უფლება აქვს უარი თქვას კონკრეტული მომსახურების ნაწილის შესყიდვაზე საკუთარი საჭიროებისამებრ. ასეთ შემთხვევაში შემსყიდველი არ არის ვალდებული გადაიხადოს განუხორციელებელი მომსახურების შესაბამისი ღირებულება. აღნიშნულიდან გამომდინარე, მიმწოდებელი აცხადებს, რომ მას პრეტენზია არ ექნება აუთვისებელ თანხაზე.

5.3. საავანსო ანგარიშსწორება არ გამოიყენება.

5.4. ანგარიშსწორება განხორციელდება ყოველი თვის დასრულების შემდეგ, ყოველთვიურად რეპორტის წარდგენის შემდეგ.

5.5. ყოველთვიურად 16 500 მოსწავლე ლეზულობს მონაწილეობას შემაჯამებელ ტესტირებაში. ტესტირებაში მეტი მონაწილის დაფიქსირების შემთხვევაში ხელშეკრულების ღირებულება არ გაიზრდება. 16 500 მოსწავლეზე ნაკლები მოსწავლის შემაჯამებელ ტესტირებაში მონაწილეობის შემთხვევაში ანაზღაურება მოხდება ფაქტობრივად მონაწილე მოსწავლეთა რაოდენობის მიხედვით, რა შემთხვევაში საცალო ფასი გაანგარიშდება პროპორციულად.

6. გარანტია

6.1. მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

6.2. მიმწოდებლის მიერ ხელშეკრულებით განსაზღვრული მომსახურების ხარისხი, სტანდარტები, ტექნიკური პარამეტრები, ძირითადი მახასიათებლები უნდა შეესაბამებოდეს ხელშეკრულებით განსაზღვრულ პირობებს.

6.3 6.2. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

6.4. მიმწოდებელი ვალდებულია განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.

6.5. მიმწოდებლის მიერ 6.4. პუნქტით განსაზღვრული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს ხარჯების ანაზღაურება, ან ეს თანხა გამოქვითოს ხელშეკრულების მიხედვით მიმწოდებლისათვის გადასახდელი თანხიდან.

7. ხელშეკრულების შესრულების კონტროლი

7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

7.2. ხელშეკრულების შესრულების კონტროლს ახორციელებენ აჭარის ავტონომიური რესპუბლიკის განათლების, კულტურისა და სპორტის მინისტრის ბრძანებით განსაზღვრული პირები.

7.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

7.4. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8. მხარეთა პასუხისმგებლობა ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულებების შესრულების ვადების გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0.02 პროცენტის ოდენობით.

8.2. შემსყიდველის მიერ ხელშეკრულების შეწყვეტის შემთხვევაში, რაც გამოწვეული იქნება წინამდებარე ხელშეკრულების 11.1. პუნქტის ა,ბ,დ;ე ქვეპუნქტებიდან, მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

8.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

9.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებთან და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

9.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

9.4. 9.3. პუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

9.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

10. ხელშეკრულებაში ცვლილებების შეტანა

10.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მომსახურება ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) თუ მოწოდებული მომსახურების ხარისხი არ შეესაბამება გათვალისწინებულ პირობებს.

ე) საქართველოს კანონმდებლობით გათვალისწინებულ სხვა შემთხვევებში.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.3. ხელშეკრულება ასევე შეიძლება შეწყდეს მხარეთა ინიციატივით. ურთიერთშეთანხმების საფუძველზე.

12. სადავო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.

12.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

13. სხვა პირობები

13.1. ხელშეკრულება ძალაში შედის მხარეების მიერ ხელმოწერის დღიდან.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.4. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულება ქართულ ენაზე.

13.5. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

14. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2020 წლის 31 იანვრამდე.

15. მხარეთა რეკვიზიტები

შემსყიდველი:

აჭარის არ განათლების კულტურისა
და სპორტის სამინისტრო
საქართველო, ქალაქი ბათუმი
ლ. გუდიაშვილის ქ. N4
ს/კ 245427667

მიმწოდებელი:

შპს „ეტალონი-მედია“
საქართველო, ქალაქი თბილისი
თაბუკაშვილის 41; წერეთლის 116
ს/კ 204572024
სს „საქართველოს ბანკი“
მფო BAGAGE22
ა/ა GE61 BG00 0000 0276 6926 00
დირექტორი
მანანა ღოღობერიძე

მინისტრი

მაია ხაჯიშვილი



ხარჯთაღრიცხვა

ხარჯთაღრიცხვა - თანამედროვე ტექნოლოგიების გამოყენება				
N	მომსახურების დასახელება	ერთეულების რაოდენობა	ერთეულის ღირებულება (ლარი)	ჯამური ღირებულება (ლარი) დღგ-ს ჩათვლით
1	ყოველთვიურად არანაკლებ 16 500 მოსწავლის მონაწილეობა შემატყამებელ ტესტირებაში	3	25000	75000
სულ				75000

LTD
"ETALONI
-MEDIA"

Digitally signed
by LTD "ETALONI-
MEDIA"
Date: 2019.07.27
12:14:37 +04'00'

შესყიდვის აღწერილობა

პროექტის მიზანია:

- თანამედროვე ტექნოლოგიების გამოყენებით კონკურსის ორგანიზება, სკოლების გააქტიურება და ინტერნეტის საგანმანათლებლო მიმართულებით ინტენსიური გამოყენება, კითხვათა სისტემის შექმნა შემდეგი მიმართულებებით: ჰუმანიტარული, ზუსტი და საბუნებისმეტყველო საგნები, ლოგიკური აზროვნების განვითარება.
- განათლების ხარისხის და ეფექტურობის პერიოდული შემოწმება და კვლევა - მოსწავლეთა ინდივიდუალური ტესტირება ონლაინ პლატფორმის (პორტალის) გამოყენებით და მშობლის (მეურვის) ჩართულობით

პროექტი ხორციელდება აჭარის ავტონომიური რესპუბლიკის ტერიტორიაზე არსებული საჯარო და კერძო სკოლების მოსწავლეებისთვის.

პროექტის განხორციელების პერიოდი:

2019 წლის ოქტომბერი, ნოემბერი, დეკემბერი - 1 ოქტომბრიდან წლის ბოლომდე.

პროექტის განხორციელების გრაფიკი:

- სავარჯიშო ტესტები: ყოველი ხუთშაბათი - ჯამში 12 სავარჯიშო ტესტირება
ოქტომბერი: 3, 10, 17, 24 და 31 ოქტომბერი
ნოემბერი: 7, 14, 21, 28 ნოემბერი
დეკემბერი: 5, 12, 19

სავარჯიშო ტესტებში 10 ოქტომბერს, 14 ნოემბერს და 5 დეკემბერს ჩართული უნდა იყოს კითხვები წიგნიერებიდან შესაბამისი კლასების მიხედვით.

სავარჯიშო ტესტებში 24 ოქტომბერს, 28 ნოემბერს და 19 დეკემბერს ჩართული უნდა იყოს კითხვები მოქალაქეობრივი აზროვნების შესახებ (სამოქალაქო განათლება, გარემოს დაცვა, ევროინტეგრაცია და სხვა) შესაბამისი კლასების მიხედვით

- შემაჯამებელი ტესტები - ჯამში 3 შემაჯამებელი ტესტი: 27 ოქტომბერი, 24 ნოემბერი, 22 დეკემბერი.

ვებ პორტალზე რეგისტრაცია:

ვებ პორტალზე უნდა დარეგისტრირდეს მოსწავლის მშობელი (მეურვე) და დაარეგისტრიროს შვილი (მოსწავლე). მომწოდებელი ვალდებულია ხელი შეუწყოს რეგისტრაციის პროცესს, რისთვისაც უნდა მოქმედებდეს სპეციალური ცხელი ხაზი კონსულტაციის მიზნით.

ტესტების სტრუქტურა:

მოსწავლეთა ონლაინ ტესტები უნდა იყოს ინდივიდუალური, შეიცავდეს კითხვების კონკრეტულ რაოდენობას, არანაკლებ 16-ს. ყველა კითხვას მითითებული უნდა ჰქონდეს მინიმუმ 3 სავარაუდო პასუხი, მათ შორის 1 იყოს მხოლოდ სწორი.

ტესტების შეფასება უნდა ხდებოდეს ყოველი კითხვის შემდეგ. კითხვები ყველა კლასის (პირველიდან მეთორმეტეს ჩათვლით), ყველა სასკოლო საგანში უცხო ენების გარდა.

ვებ პორტალზე, ყველა მოქმედება უნდა ხორციელდებოდეს ონლაინ (დარეგისტრირება, ტესტის გავლა, შედეგები, დიპლომის მიღება) რეჟიმში.

ტესტირების პროცესი:

- მოსამზადებელი (სავარჯიშო) ტესტები
 - მოსამზადებელი (სავარჯიშო) ტესტების გავლა დარეგისტრირებულ მოსწავლეს უნდა შეეძლოს ყოველკვირეულად ონლაინ, კვირის ერთსა და იმავე დღეს, მისთვის სასურველ და მოსახერხებელ დროს (24 საათის განმავლობაში) რეგისტრაციის სახელით და პაროლით.
- შემაჯამებელი ტესტი
 - თვეში ერთხელ, კვირის ერთსა და იმავე დღეს პორტალზე მოსწავლემ მისთვის სასურველ და მოსახერხებელ დროს (24 საათის განმავლობაში) ონლაინ უნდა გაიაროს დასკვნითი (შემაჯამებელი) ტესტი მშობლის ჩართულობით. მშობლის ჩართულობის კომპონენტის უზრუნველსაყოფად, დასკვნითი (შემაჯამებელი) ტესტის გასავლელად რეგისტრაციის სახელთან და პაროლთან ერთად ტესტის დაწყებამდე პორტალზე უნდა იყოს შესაყვანი დამატებითი ინფორმაცია (პირობითად კოდი), რომელიც ხელმისაწვდომი უნდა იყოს მხოლოდ მშობლისთვის (მეურვისთვის) და თვეში ერთხელ, ტესტირების წინა დღეებში მიეწოდება მშობელს (მეურვეს) რეგისტრაციის დროს მითითებულ მობილურ ნომერზე.

ყველა კითხვაზე მოსწავლეს ონლაინ ტესტში უნდა ჰქონდეს სავარაუდო პასუხებს შორის სწორი პასუხის მონიშვნის ან სურვილის შემთხვევაში კითხვის გამოტოვების საშუალება.

ონლაინ ტესტის გასავლელად უნდა იყოს გამოყოფილი კონკრეტული გონივრული დრო, რომლის შემდეგაც ტესტი გაითიშება. მოსწავლეს უნდა შეეძლოს დროის სრულად გამოყენება (რომელსაც თავად გადაანაწილებს კითხვებზე) ან უნდა შეეძლოს აირჩიოს ვარიანტი, როცა სრული დრო პროგრამულად გადანაწილდება კითხვების რაოდენობაზე და თითო კითხვაზე ექნება შეზღუდული დრო, რომლის გასვლის შემდეგაც ონლაინ ტესტში გამოჩნდება შემდეგი კითხვა და კითხვა ჩაეთვლება გამოტოვებულად.

ონლაინ ტესტის დაწყებისთანავე უნდა ჩანდეს დრო, რომელიც მოსწავლეს დარჩა ტესტის დასრულებამდე, ან კითხვაზე პასუხის გასაცემად (დაყოფილი დროის არჩევის შემთხვევაში). უნდა ჩანდეს, რიგით რომელ შეკითხვას პასუხობს მოსწავლე. პასუხის მონიშვნის შემთხვევაში, სავარაუდო პასუხის გრაფა იცვლიდეს ფერს. სწორი და არასწორი პასუხების ფერები უნდა იყოს განსხვავებული.

კითხვის გამოტოვების შემთხვევაში სწორი პასუხი მონიშნოს შესაბამისი ფერით და ონლაინ ტესტი ავტომატურად უნდა გადავიდეს შემდეგ კითხვაზე.

ონლაინ ტესტის დასრულების შემდეგ მყისიერად უნდა გამოჩნდეს შედეგები - მოპოვებული ქულების რაოდენობა და ტესტის გავლაში დახარჯული დრო. სურვილის შემთხვევაში მოსწავლეს უნდა შეეძლოს ტესტის გადახედვა, თუ რომელ კითხვებს უპასუხა სწორად და რომელს - არასწორად.

ყოველკვირეული ონლაინ ტესტებისგან განსხვავებით, დასკვნითი (შემაჯამებელი) ონლაინ ტესტი მოსწავლემ უნდა გაიაროს მშობლის (მეურვის) მეთვალყურეობის ქვეშ და ამის უზრუნველსაყოფად შემაჯამებელი ტესტის გახსნა მოსწავლეს არ უნდა შეეძლოს სპეციალური კოდის გარეშე, რომელიც ტესტირების წინა დღეს სმს-ით მიუვა მშობელს (მეურვეს) რეგისტრაციის დროს მინიშნებულ ტელეფონზე.

წახალისება

დასკვნითი (შემაჯამებელი) ონლაინ ტესტის დასრულების შემდეგ, დაგროვებული ქულების მიხედვით, უნდა მოხდეს მაღალქულიანი მოსწავლეების წახალისება, ონლაინ ტესტის დასრულებისთანავე უნდა მოხდეს შესაბამისი ონლაინ დიპლომის (ორი ან სამი სახეობის) გენერირება მოსწავლის გვარის, სახელის, სკოლის, კლასის მითითებით. მოსწავლეს უნდა შეეძლოს აღნიშნული დიპლომის: სურვილის შემთხვევაში კომპიუტერში გადაწერა-შენახვა ან/და სოციალურ ქსელში გაზიარება.

ონლაინ დიპლომი ბრენდირებული უნდა იყოს შემსყიდველის დასახელება-ლოგოთი (დიპლომის დიზაინი უნდა შეთანხმდეს შემსყიდველთან სატენდერო პროცედურების დასრულების შემდეგ, პროექტის განხორციელების დაწყებამდე).

ვებ პორტალზე მითითებული უნდა იყოს ცხელი ხაზის მოქმედი ნომერი.

ვებ პროფილი და წვდომა

პროექტის მიმდინარეობის პერიოდში თითოეულ მოსწავლეზე უნდა შეიქმნას ონლაინ პირადი გვერდი/პროფილი, რომელზე ონლაინ წვდომა ექნება მოსწავლის მშობელს/მეურვეს. კლასიდან დარეგისტრირებულ მოსწავლეების შედეგებზე ონლაინ წვდომა ექნება კლასის დამრიგებელს, ხოლო მთელი სკოლის მოსწავლეების ონლაინ შედეგებზე - სკოლის დირექტორს.

შესაბამისი წვდომის მქონე პირს უნდა შეეძლოს:

- ტესტზე დეტალური ინფორმაციის ონლაინ მიღება სასურველი პერიოდის მითითებით: დეტალური ინფორმაციის ონლაინ მიღება: სწორი პასუხების, არასწორი პასუხების და გამოტოვებული კითხვების რაოდენობა, ტესტზე დახარჯული დრო და დაგროვებული ქულები.
- ვიზუალურ-გრაფიკულად გამოსახული ინფორმაციის ონლაინ ნახვა ტესტის შესახებ სასურველ პერიოდზე: ონლაინ ტესტებზე დახარჯული დრო, დაგროვებული ქულები და შესრულებული სავარჯიშო ტესტების რაოდენობა თვეების მიხედვით.
- მოსწავლის საუკეთესო შედეგი ქულების, დროის და ტესტების რაოდენობის მიხედვით. შესაძლებელი უნდა იყოს მოსწავლის და/ან მოსწავლეების აქტიურობის და შედეგების სტატისტიკური დამუშავება და შემყიდველისთვის მიწოდება.
- ინფორმაციაზე წვდომა თავიანთი ინდივიდუალური კოდებით აქვთ მშობელს (მეურვეს) - მხოლოდ მოსწავლე შვილზე (შვილებზე), კლასის დამრიგებელს - მისი კლასის მოსწავლეებზე, სკოლის დირექტორს - მისი სკოლის მოსწავლეებზე, რესურსცენტრის ხელმძღვანელს - თავისი მუნიციპალიტეტის სკოლების მოსწავლეებზე, სამინისტროს შესაბამის პასუხისმგებელ პირს წვდომა ექნება სრულ ინფორმაციაზე მუნიციპალიტეტების, სკოლების, კლასების მიხედვით, პერიოდების მიხედვით.

ტესტირების პორტალზე უნდა დარეგისტრირდეს აჭარის ა/რ სკოლების ყველა კლასის მოსწავლეები (არანაკლებ 30000) მომსახურების პერიოდში შემაჯამებელი ტესტების გავლაში მოსწავლეთა ჯამური ჩართულობა უნდა შეადგენდეს ყოველთვიურად არანაკლებ 16500 მოსწავლეს.

ტესტები უნდა შეიცავდეს კითხვებს ყველა სასკოლო საგნიდან (გარდა უცხო ენებისა), და შეესაბამებოდეს კონკრეტული კლასის სასწავლო პროგრამას. შესაძლებელია კითხვების დამატება ზოგადი განათლების და ლოგიკური აზროვნების თემატიკიდან.

აღნიშნული მომსახურება მოიცავს:

- პროექტის ტექნოლოგიური პროცესების მართვა, შესაბამისი პროგრამული უზრუნველყოფა - IT ტექნოლოგიებით, სასურველია მობილური აპლიკაციით.
- პროექტის პროგრამული სოციოლოგიურ-ინფორმაციული ოპტიმიზაცია, შედეგების სტატისტიკური კვლევა და შეფასება
- ტესტების მომზადება და მიწოდება

ყოველთვიურად 16 500 მოსწავლე ღებულობს მონაწილეობას შემაჯამებელ ტესტირებაში. ტესტირებაში მეტი მონაწილის დაფიქსირების შემთხვევაში ხელშეკრულების ღირებულება არ გაიზრდება. 16 500 მოსწავლეზე ნაკლები მოსწავლის შემაჯამებელ ტესტირებაში მონაწილეობის შემთხვევაში ანაზღაურება მოხდება ფაქტობრივად მონაწილე მოსწავლეთა რაოდენობის მიხედვით, რა შემთხვევაში საცალო ფასი გაანგარიშდება პროპორციულად.